



KETE MANARUA

Ngā Mahi a te Rēhia 2024

92063 Te whakaatu māramatanga ki ngā huānga toi rēhia


NGĀ WHIWHINGA: 4

92064 Te whakamahi i ngā āhuatanga toi rēhia kia puta ai he mahinga toi.

NGĀ WHIWHINGA: 4

Ka tūwhera a 'MyNZQA' ki te tuku i te Kete Manarua hei te 1 o Oketopa.


Ka kati a 'MyNZQA' hei te 30 o Oketopa, 2024

A close-up photograph of a woven basket. The basket is made of natural fibers, likely flax or reed, and is dyed in various colors including shades of blue, purple, and green. The weaving pattern is a complex, multi-colored twill or similar weave. In the center of the image, there is a dark, semi-transparent rectangular box containing white text in a serif font. The text is a quote in Māori. The background shows the intricate texture and vibrant colors of the woven material, with some strands of fiber visible in the foreground and background.

*“Ko te manu e kai
ana i te miro
nōnā te ngahere;
ko te manu e kai
ana i te mātauranga
nōnā te ao...”*

Ngā Ihirangi

He Kupu Whakataki	4
Te Paerewa (92063)	6
Tautuhinga	9
Tūmahi Aromatawai (92063)	13
Mahere Aromatawai	16
Te Paerewa (92064)	19
Tautuhinga	22
Tūmahi Aromatawai (92064)	26
Mahere Aromatawai	29
Kupu Taka	31



Kete Manarua

Ka maka te pakapaka, ka ohu te karoro

Kete - ko te kete i pū mai i te pā harakeke me tōna whakapapa.

Manarua – e rua ōna mana. Tuatahi, ko te mana o ngā taonga ka kohikohia me ngā mahi huhua ka whakatutukihia e te Ākonga. Tuarua, ko te mana o te Ākonga, ko tōna whānau, hapū, me tōna iwi hoki, ko tōna ake mana motuhake tonu.

Te Motuhēhē o ngā mahi

E taea e ngā Ākonga te ako ngātahi, te mahi ngātahi rānei i ētahi atu tāngata hei kohikohi kōrero i ngā puna tautoko huhua. Heoi, me mātua mōhio nei te Pouako, nā ngā Ākonga anō ngā mahi i whakarite, i whakatakoto.

Hei akiaki tonu i te hāponotanga o ā rātou mahi katoa me whakamahi anō ngā Ākonga i ā rātou ake kupu, ka mutu, ka kaha hāpai i ngā tikanga tohutoro e whakamana anō ai te puna o te mātauranga.

Mā te mihi e whakaatu, e whakanui hoki i ngā tāngata me ngā puna awhina i puta ai ā rātou nā mahi. Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;
 - » Ngā pukapuka kāore i whakaputa;
 - » Wāhitau ipurangi.

Te Tāpae i te Kete Manarua

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

E pai ana te tāpae mai i ngā taunakitanga hei kōnae matihiko, ahakoa kōnae oro, kōnae ataata rānei, hei PDF kē rānei, hei kōtuinga rānei o ngā mea e rua. Me he taunakitanga ā-pepa, me matawai, ka tuku ai hei PDF. Me whakakī anō hoki e te Kaiako te Pukauhi Kete Manarua mō ia kōpaki Kete Manarua ka tukua kia aromatawaia.

Mā ngā Ākonga anō ā rātou mahi e tukuatu i te tuatahi. Tēnā, matakihia te ataata, tikiake rānei i ngā tohutohu e whakaatu ana me pēhea te tuku atu i ngā tāpaenga Kete Manarua mā te pūnaha hou [[How-to Resource](#)].

Mēnā kei te hiahia āwhina ngā Ākonga ki te tuku atu i ngā tāpaenga Kete Manarua, tēnā, kōrero ki a rātou, ā, māu anō rātou e awahi, e tautoko.



Māori Woven Artwork. Photo credit: Rafael Ben-Ari. Adobe stock (#67581275).



NGĀ MAHI Ā TE RĒHIA

92063 Te whakaatu māramatanga ki ngā huānga toi rēhia

(Kaupae 1, Whiwhinga 4)

Kairangi	Kaiaka	Paetae
Ka tau te whakaatu māramatanga ki ngā huānga toi rēhia.	Ka ariari te whakaatu māramatanga ki ngā huānga toi rēhia.	Ka whakaatu māramatanga ki ngā huānga toi rēhia.

Paerewa Paetae

Aronga	Ngā Mahi a te Rēhia 1.3			
Ingoa	Te whakaatu māramatanga ki ngā huānga toi rēhia			
Kaupae	1	Whiwhinga	4	Aromatawai Ā-waho
Marau akoranga	Te Marautanga o Aotearoa			
Kokonga akoranga	Ngā Mahi a te Rēhia			
Mana rēhita	Kua rēhitatia	Te rā i mana ai	Hakihea 2023	
Te rā e arotakengia ai	Hakihea 2028	Te rā i puta ai	Hakihea 2023	

Te Whāinga

Ko te whāinga o tēnei paerewa paetae he whakaatu māramatanga ki ngā huānga toi rēhia.

Paearu Paetae

Paetae	Hei tohu i te paetae: <ul style="list-style-type: none"> • Ka whakaatu māramatanga ki ngā huānga toi rēhia.
Kaiaka	Hei tohu i te kaiaka: <ul style="list-style-type: none"> • Ka ariari te whakaatu māramatanga ki ngā huānga toi rēhia.
Kairangi	Hei tohu i te kairangi: <ul style="list-style-type: none"> • Ka tau te whakaatu māramatanga ki ngā huānga toi rēhia.

Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Ngā Toi kei: <https://ncea.education.govt.nz>.

Whāinga Paetae

Ka tūhura, ka whakamahi, ka whakawhanake mōhio, ka whakamārama:

- i tā te tinana me te reo whakatau i roto i ngā horopaki huhua.

2 E whai ake nei ngā whakamārama mō ngā paearu paetae:

<i>Ka whakaatu māramatanga ki ngā huānga toi rēhia.</i>	<p>Ka whai, ka whakaputa māramatanga ki ngā huānga toi rēhia kia hāngai ki te horopaki. Ka taea mā te:</p> <ul style="list-style-type: none"> • kōrero • tuhi • whakaaturanga • mahi me te whakamahi.
<i>Ka ariari te whakaatu māramatanga ki ngā huānga toi rēhia.</i>	Ka whai, ka whakaputa māramatanga ki ngā huānga toi rēhia kia whaitake ki te horopaki.
<i>Ka tau te whakaatu māramatanga ki ngā huānga toi rēhia.</i>	Ka whai, ka whakaputa māramatanga ki ngā huānga toi rēhia kia whai tikanga ki te horopaki.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>huānga toi</i>	<p>Ko ngā āhuatanga tātai o tētahi mahinga toi.</p> <p>Hei tauira, ko te:</p> <ul style="list-style-type: none"> • nekehanga • mokowā • reo • oro • hāngū • āhua • tauhanga. <p>He maha tonu ngā tauira i tua atu i ēnei. Ehara hoki i te mea me mahi te katoa; ko te tikanga ia, kia kōwhiria ngā huānga e hāngai</p>
<i>hāngai</i>	Ka kitea te hononga ki te kaupapa.
<i>whaitake</i>	Ka āta whakaarohia, ka tūhonoa atu ki te kaupapa kia kitea ai tōna take.
<i>whai tikanga</i>	Ka āta wānangahia, ka kōtuituia kia kitea ai tōna tikanga.

4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

5 Kuputaka

huānga	<i>element</i>
hāngai	<i>appropriate, connected to</i>
whaitake	<i>relevant, valid</i>
whai tikanga	<i>meaningful, purposeful</i>

Kōrero Whakakapinga

I whakakapingia ngā paerewa 91690-91697 e ngā paerewa 92060, 92062-92064.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki 0233

Tautuhinga Aromatawai Ā-Waho 2024

Te Paerewa Paetae

92063

Te Ingoa

Te whakaatu māramatanga ki ngā huānga toi rēhia

Te Marautanga

Te Marautanga o Aotearoa

Te Wahanga Akoā

Ngā Toi - Ngā Mahi a Te Rēhia

Ngā Whiwhinga

E 4

Te Tukanga Aromatawai

He Kete Manarua

Te Rā Tuku Aromatawai

30 o Oketopa 2024

Kete Manarua

Ko te KETE i pū mai i te pā harakeke, he whakapapa tōna.

He MANA tōna, e rua ōna āhuatanga; Kātahi: Ko ngā taonga tuku iho ka kohikohia e te Ākonga. Ka rua: He whakapiki i te mana motuhake o te Ākonga, ōna hapū, ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau aha atu aha atu.

Te Whakatakotoranga Aromatawai

Ka aromatawaingia tētahi kōpaki toi rēhia nā te Ākonga anō i waihanga. He mahinga toi motuhake, he whakaaturanga motuhake rānei.

Kāore he take o te rātaka, engari me tuku paku kōrero whakamārama te Ākonga mō te mahi.

I ngā whakautu a te Ākonga me āta matapaki ngā huānga toi rēhia, arā, ko ngā momo pēnei i te mokowā, i te oro, i te reo, i te nekehanga, me ētahi āhuatanga kē atu. Mā te Ākonga e whiriwhiri te momo ara aromatawai; he whakautu ā-tuhi rānei, 150 ki te 200 kupu te roa, he whakautu ā-waha rānei, kāore e hipa i te 3 meneti te roa.

Ngā Herenga Aromatawai

He mahi takitahi tēnei mahi nā te Ākonga; me te whakatakoto taunakitanga mō te aromatawai ā-waho. He Kete Manarua ā-matihiko anake.

Kia tutuki pai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, huripoki rānei);
- me tāmaua te kiriata ki te tītohunga ataata, ā, kua rāhuitia te tukuhanga noa i te honongaitua me tana kōtahi.

Te Motuhēhē o ngā mahi o ngā Ākonga

Me pēhea e mōhiohia ai te motuhēhē o ngā mahi o ngā Ākonga? He tukanganga, he taunakitanga e mōhiohia ai nā te Ākonga ake āna mahi aromatawai. Kia mataara ngā Ākonga, ngā Kaiako me te whānau o te kura hoki ki te motuhēhē o ngā mahi a ngā Ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā Ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;
 - » Ngā pukapuka kāore i whakaputa;
 - » Wāhitau ipurangi.

He kōrero anō i ngā wāhitau ipurangi o te paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

Kāore te Kete Manarua matihiko e whakahokia ki te Ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina ki te tuku atu i ngā tāpaenga Kete Manarua:

- Īmēra mai ki assessment.service.centre@nzqa.govt.nz,
- waea rānei i te NZQA Contact Centre mā te nama 0800 687 296.

Tūmahi Aromatawai

He Whakamāramatanga

I konei āta matapakitia ai ngā huānga toi rēhia e TORU e kitea ana i ngā rauemi whakaoho e rua o raro iho nei, arā, ko te kapa haka, me te kanikani tērā.

E rua ngā huarahi e tutuki ai tēnei o ngā aromatawai:

Kōwhiringa A: Tuhituhi

150 kupu te roa mō ia huānga toi rēhia.

Kōwhiringa E: Kōrero ā-waha

Kia 1 mēneti neke atu te roa mo ia pātai.

Ngā Tohutohu

1. Kōwhiritia he aha hei mahi māu. Mēnā rānei ko te tuhituhi, mēnā rānei ko te kōrero ā-waha.
2. Mātakihia i ngā rauemi-whakaoho e rua.
3. Matapakitia i ngā huānga toi e kitea ana i ngā rauemi-whakaoho e rua.
4. Whakahāngaitia i ngā huānga toi rēhia mā te tuhituhi rānei, mā te kōrero ā-waha rānei.

Ngā Huānga Toi Rēhia

Ko ngā āhuatanga tātai o tētahi mahinga toi.

Hei tauira, ko te:

- Hononga
- Nekehangā
- Mokowā
- Reo
- Oro
- Hāngū
- Āhua
- Tauhanga
- Whakaaro Mataaho
- Whakaaro matahuna
- Tauira
- Tauaro
- Paparanga
- Taurite

Ngā Rauemi Whakaoho

Angitū - Haka | Te Matatini 2023



Video credit: TVNZ & Te Matatini. (<https://www.youtube.com/watch?v=RPVq0NlmxDQ>)

Whāngārā-Mai-Tawhiti - Haka | Te Matatini 2023

(18:46 - 24:16)



Video credit: Whakaata Māori & Te Matatini. (<https://www.youtube.com/watch?v=Ynf4b4b9gKM&t=1125s>)

Kōwhiringa A: Tuhituhi

Ko tā te Ākonga mahi he whakaatu māramatanga ki ngā huānga i roto i ngā toi rēhia. E rua ngā haka hei aromātai, hei tātari, hei arohaehae mā te tauira. E toru rawa ngā tūmahi e ea ai i te Ākonga te wāhanga tuhituhi. Me āta pānui te Ākonga i ngā tūmahi, kia tino mārama ia ki te āhua o tana tāpae tuhinga.

Pātai 1:

Whakaingotia mai nga huānga toi rēhia e **TORU** e kitea ana i te haka a **Angitū**. Whakamārama mai ōu mōhiotanga ki aua huānga me te hononga ki te haka nei.

Mahinga toi rēhia	Te Haka a Angitū
Huānga 1: Kia 150 kupu te roa	
Huānga 2: Kia 150 kupu te roa	
Huānga 3: Kia 150 kupu to roa	

Pātai 2:

Whakaingotia mai nga huānga toi rēhia e **TORU** e kitea ana i te haka a **Whāngārā Mai Tawhiti**. Whakamārama mai ōu mōhiotanga ki aua huānga me te hononga ki te haka nei.

Mahinga toi rēhia	Te Haka a Whāngārā Mai Tawhiti
Huānga 1: Kia 150 kupu te roa	
Huānga 2: Kia 150 kupu te roa	
Huānga 3: Kia 150 kupu to roa	

Pātai 3:

Whakahāngaitia tētahi huānga toi rēhia e kitea ana i te haka a **Angitū** me te haka a **Whāngārā Mai Tawhiti**. Whakamārama mai ōu mōhiotanga ki taua huānga me te hononga ki te haka nei. Kia whānui, kia hōhonu ngā kōrero.

Mahinga toi rēhia	Te Haka a Angitū me te haka a Whāngārā Mai Tawhiti
Huānga: Kia 150 kupu te roa	

Kōwhiringa E: Ā-Waha

Ko tā te Ākonga mahi he whakaatu māramatanga ki ngā huānga i roto i ngā toi rēhia. E rua ngā haka hei aromātai, hei tātari, hei arohaehae mā te tauira. E toru rawa ngā pātai hei whakautu mā te Ākonga e ea ai i te Ākonga te wāhanga ā-waha. Me āta pānui te Ākonga i ngā pātai, kia tino mārama ia ki te āhua o tana tāpae whakautu. Ka mutu, me whakahāngai tonu te Ākonga i ngā huānga toi rēhia i roto i ngā rauemi whakaoho.

Pātai 1:

Whakaingotia mai nga huānga toi rēhia e **TORU** e kitea ana i te haka a **Angitū**. Whakamārama mai ōu mōhiotanga ki aua huānga me te hononga ki te haka nei. Kia **kotahi meneti** neke atu te roa.

Pātai 2:

Whakaingotia mai nga huānga toi rēhia e **TORU** e kitea ana i te haka a **Whāngārā Mai Tawhiti**. Whakamārama mai ōu mōhiotanga ki aua huānga me te hononga ki te haka nei.

Kia **kotahi meneti** neke atu te roa.

Pātai 3:

Whakahāngaitia tētahi huānga toi rēhia e kitea ana i te haka a **Angitū** me te haka a **Whāngārā Mai Tawhiti**. Whakamārama mai ōu mōhiotanga ki taua huānga me te hononga ki te haka nei. Kia whānui, kia hōhonu ngā kōrero.

Kia **kotahi meneti** neke atu te roa.

MĀTĀPUNA:

Angitū | Te Matatini 2023 | Haka -

Kapa Haka. (2023, March 22). *Angitū | Te Matatini 2023 | HAKa* [Video]. YouTube. Video Credit to TVNZ & Te Matatini. <https://www.youtube.com/watch?v=RPVq0NlmxDQ>.

Whāngārā Mai Tawhiti | 2019 Te Matatini -

Haka Bro. (2022, December 5). *Whāngārā Mai Tawhiti | 2019 Te Matatini | Finals Day Full performance*. [Video]. YouTube. Video Credit to Whakaata Māori & Te Matatini. <https://www.youtube.com/watch?v=Ynf4b4b9gKM>.

Mahere Aromatawai: Ngā Mahi a Te Rēhia 92063

1.3 Te whakaatu māramatanga ki ngā huānga toi rēhia

Kairangi	Kaiaka	Paetae
Ka tau te whakaatu māramatanga ki ngā huānga toi rēhia.	Ka ariari te whakaatu māramatanga ki ngā huānga toi rēhia.	Ka whakaatu māramatanga ki ngā huānga toi rēhia.

Hei Taunaki i te Aromatawai:

E8	E7	M6	M5	A4	A3	N2	N1
<p>Kua whai wāhi mai anō hoki ōna ake whakaaro me ngā kare ā-roto i tana rangahau i te huānga toi.</p> <p>Kua mārama te tautohutia o te huānga toi, kua mārama hoki tana whakaraupapa mai i ōna whakaaro, ā, kua matapakihia ēnei, kia tika te whakaatu atu i tana mārama ki te huānga toi kia whai hononga, kia whai aronga, kia whaihua anō hoki i roto i te horopaki o te mahi.</p> <p>Kua whakamārama-hia, ā, kua whakataurite-hia te āhua o te huānga toi e kitea ana i ngā rauemi-whakaoho e rua e kitea ai tana whaihua.</p>	<p>Kua auaha te whakatakoto i ngā whakaaro, kua mārama hoki te kite i te hononga o te huānga toi ki ngā rauemi-whakaoho e rua.</p> <p>Kua whai hononga, kua whai aronga, ā, kei te āhua ki te whaihua o te huānga toi kua tautohua i roto i te horopaki o te mahi.</p> <p>Kua rangahaua e te Ākongā te tikanga o te huānga toi i tautohua e ia.</p> <p>Ko tana tuhinga e whakaatu ana i tana tirohanga whānui ki te aromatawai.</p>	<p>Kua whānui te whakaputa whakaaro ki te huānga toi kua tautohua. E kaha kitea ana te whai hononga me te whai aronga anō hoki i te horopaki o te mahi.</p> <p>Kua āta tautohua tētahi huānga toi e pai ai te whakaatu māramatanga.</p> <p>Kua tautohua tētahi huānga toi e mārama ana te kite i ngā rauemi-whakaoho e rua.</p>	<p>Kua mārama te kite kua whai hononga te huānga toi ki te horopaki o te mahi.</p> <p>Kua whai aronga anō hoki i roto i te horopaki o ngā mahi.</p>	<p>Kua tautohu he huānga toi, ā, kua whakamārama-hia.</p> <p>Kua whai hononga te huānga toi ki te horopaki o te mahi.</p>	<p>Kua whakamahere mai i ētehi whakaaro i roto i tētahi tuhinga poto, ā, kua tautohua he huānga toi.</p> <p>Kua tautohua he huānga toi, ā, i āhua whai hononga ki te horopaki o te mahi.</p>	<p>Kei reira tētahi whakaaro e hāngai ana ki ngā mahi, heoi, kāore i whakamahere tika i ngā whakaaro kia mārama te takoto.</p> <p>Kāore he taunakitanga e whakaatu ana i te hāngai o tētahi huānga toi ki te horopaki o te mahi.</p>	<p>Kāore he mahi e whakaatu ana i te mārama a te taurira ki tētahi huānga toi.</p> <p>Kāore he paku whakamahere-tanga whakaaro.</p>

Te Taunakitanga:

Taunakitanga Kairangi	Taunakitanga Kaiaka	Taunakitanga Paetae	Taunakitanga Kore
<p>Ka whai, ka whakaputa māramatanga ki ngā huānga toi kia whai tikanga ki te horopaki.</p> <p>Ka whai hononga, ka whai aronga, ka whaihua hoki i roto i te horopaki o te mahi.</p> <p>Ka kōwhiri, ka whakamātau, ka raweke i tētahi huānga toi rēhia e whai tikanga ana ki te horopaki o te mahi, kia whai hononga, kia whai aronga, kia whaihua ai.</p> <p>Kua mārama mārīka ki te pūtake me te whakamahinga o te huānga toi rēhia, tae atu ki tana hāngai, tana whaitake, me tana whai tikanga ki te horopaki o te mahi.</p> <p>He tau te whakaputa whakaaro ki te huānga toi rēhia me te whakahāngai ki te ao whānui, arā: kua whakaahua i ngā hononga ki tō te Ākongā, kua whakaahua i ngā hononga ki te tikanga o Ngā mahi a Te Rēhia.</p> <p>Kua tautohua, kua whakamāramahia, kua whakaritea hoki te huānga toi rēhia i roto i te horopaki. Kua whai wāhi mai anō hoki ōna ake whakaaro me ngā kare ā-roto i tana rangahau.</p> <p>Kua whakarite tuhinga hāngai ki te waehanga o roto mai o tēnei Aromatawai, ā, kua 200-300 ngā kupu.</p> <p>Kua mārama te tautohu i te huānga toi rēhia, kua matapakihia te huānga toi rēhia e tika ana hei whakaatu māramatanga.</p> <p>Kua tautohua, kua whakamāramahia, kua whakatauritea hoki te huānga toi rēhia i ngā rauemi-whakaoho e rua. Kua whai wāhi mai anō hoki ōna ake whakaaro me ngā kare ā-roto ki tēnei wāhanga o te Aromatawai.</p> <p>Me uua ka kitea he hapa wetereo, kārawarawa, whakahua, ā, e mārakerake ana te kite i ngā whakaaro, i ana whakatauiratanga anō.</p> <p>E hāngai pū ana ngā kōrero ki te horopaki o tēnei aromatawai, o tēnei kaupapa hoki o Ngā Mahi a Te Rēhia.</p>	<p>Ka whai, ka whakaputa māramatanga ki ngā huānga toi kia whaitake ki te horopaki.</p> <p>Ka whai hononga, ka whai aronga hoki i roto i te horopaki o te mahi.</p> <p>Ka kōwhiri, ka whakamātau, ka raweke i tētahi huānga toi rēhia e whaitake ana ki te horopaki o te mahi, kia whai hononga, kia whai aronga ai.</p> <p>He māmā te kite me te rongo atu kua āta whai whakaaro te Ākongā ki te huānga toi rēhia, kia whānui ake ai tāna whakamahi i tēnā kia hāngai pū, kia whaitake ki te horopaki o te mahi.</p> <p>Kua whānui te whakaputa whakaaro ki te huānga toi rēhia me tōna whai hononga, whai aronga anō hoki ki te horopaki.</p> <p>Kua auaha te whakatakoto i ngā whakaaro, kua mārama hoki te kite i te hononga ki ngā huānga toi rēhia.</p> <p>Kua whakarite tuhinga hāngai ki ngā waehanga o roto mai o tēnei aromatawai, ā, kua 200-300 ngā kupu.</p> <p>Kua tautohua, kua rangahaua te tikanga o te huānga toi rēhia i kōwhirihia e te Ākongā.</p> <p>E mārama ana tā te tauira whakatakoto i ōna whakaaro, e hāngai ana hoki te momo reo me ngā kōrero ki te horopaki o tēnei aromatawai mō Ngā mahi a Te Rēhia.</p> <p>Kua tautohua, kua whakatauritehia tētahi huānga toi e kitea ana i ngā rauemi-whakaoho e rua.</p> <p>Tērā tonu ētahi hapa wetereo, kārawarawa, whakahua anō hoki, heoi, he ruarua.</p>	<p>Ka whai, ka whakaputa māramatanga ki ngā huānga toi kia hāngai ki te horopaki.</p> <p>Ka whai hononga ki te horopaki o te mahi.</p> <p>Ka kōwhiri, ka whakamātau, ka raweke i tētahi huānga toi rēhia e hāngai ana ki te horopaki o te mahi, kia whai hononga ai.</p> <p>Kua tautohu, kua whakaatu māramatanga anō ki te huānga toi rēhia.</p> <p>Kua rangahaua te tikanga o te huānga toi rēhia i kōwhirihia e te Ākongā.</p> <p>Ahakoā e kitea nuitia ana ngā hapa wetereo, e mārama tonu ana te ia o ngā whakaaro. Ahakoā ngā hapa pēnei me ngā kārawarawa, me te whakahua, me te whakarere tika i tēnā kōrero ki tēnā kōrero, e kitea tonutia ana te ngako o ngā kōrero me te hāngai mai ki te horopaki o tēnei aromatawai.</p>	<p>Kāore i whai, kāore i whakaputa māramatanga ki ngā huānga toi</p>

Te Whakataunga:

Kairanga	Kaiaka	Paetae	Kāore i whiwhi
7 - 8	5 - 6	3 - 4	0 - 2



NGĀ MAHI Ā TE RĒHIA

92064 Te whakamahi i ngā āhuatanga toi rēhia kia puta ai he mahinga toi.

(Kaupae 1, Whiwhinga 4)

Kairangi	Kaiaka	Paetae
Ka whakamahi i ngā āhuatanga toi rēhia e whai tikanga ana kia puta ai he mahinga toi.	Ka whakamahi i ngā āhuatanga toi rēhia e whaitake ana kia puta ai he mahinga toi.	Ka whakamahi i ngā āhuatanga toi rēhia kia puta ai he mahinga toi.

Aronga	Ngā Mahi a te Rēhia 1.4			
Ingoa	Te whakamahi i ngā āhuatanga toi rēhia kia puta ai he mahinga toi			
Kaupae	1	Whiwhinga	4	Aromatawai Ā-waho
Marau akoranga	Te Marautanga o Aotearoa			
Kokonga akoranga	Ngā Mahi a te Rēhia			
Mana rēhita	Kua rēhitatia	Te rā i mana ai	Hakihea 2023	
Te rā e arotakengia ai	Hakihea 2028	Te rā i puta ai	Hakihea 2023	

Te Whāinga

Ko te whāinga o tēnei paerewa paetae he whakamahi i ngā āhuatanga toi rēhia kia puta ai he mahinga toi.

Paearu Paetae

Paetae	Hei tohu i te paetae: <ul style="list-style-type: none"> Ka whakamahi i ngā āhuatanga toi rēhia kia puta ai he mahinga toi.
Kaiaka	Hei tohu i te kaiaka: <ul style="list-style-type: none"> Ka whakamahi i ngā āhuatanga toi rēhia e whaitake ana kia puta ai he mahinga toi.
Kairangi	Hei tohu i te kairangi: <ul style="list-style-type: none"> Ka whakamahi i ngā āhuatanga toi rēhia e whai tikanga ana kia puta ai he mahinga toi.

Kōrero Āpiti

- I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Ngā Toi kei: <https://ncea.education.govt.nz>.

Whāinga Paetae

Ka tūhura, ka whakamahi, ka whakawhanake mōhio, ka whakamārama:

- i tā te tinana me te reo whakatau i roto i ngā horopaki huhua.

2 E whai ake nei ngā whakamārama mō ngā paearu paetae:

<i>Ka whakamahi i ngā āhuatanga toi rēhia kia puta ai he mahinga toi.</i>	Ka kōwhiri, ka whai i ngā āhuatanga toi rēhia e hāngai ana ki te horopaki.
<i>Ka whakamahi i ngā āhuatanga toi rēhia e whaitake ana kia puta ai he mahinga toi.</i>	Ka kōwhiri, ka whai i ngā āhuatanga toi rēhia e whaitake ana ki te horopaki.
<i>Ka whakamahi i ngā āhuatanga toi rēhia e whai tikanga ana kia puta ai he mahinga toi.</i>	Ka kōwhiri, ka whai i ngā āhuatanga toi rēhia e whai tikanga ana ki te horopaki.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>āhuatanga toi</i>	<p>Ngā āhuatanga katoa e hāngai ana ki te mahi waihanga toi rēhia, arā:</p> <ul style="list-style-type: none"> • ngā ariā toi rēhia pēnei me te kōrero pūrākau, te whakapapa, te aronga ā-iwi • ngā tukanga toi rēhia pēnei me te rangahau, te whakarite, te whakamahere • ngā huānga toi rēhia pēnei me te nekehanga, te mokowā, te oro • ngā pūkenga toi rēhia pēnei me te arohaehae, te arotake, te manawanui • ngā nuka toi rēhia pēnei me te kura huna, te ngangahu, te poi, te wiri. <p>Ehara i te mea me mahi te katoa; ko te tikanga ia, kia kōwhiria ngā āhuatanga e hāngai ana ki te horopaki.</p>
<i>mahinga toi</i>	He mahinga toi motuhake, he kohikohinga, he tauira hukihuki, he tāruatanga rānei nā te ākongā anō i waihanga.
<i>hāngai</i>	Ka kitea te hononga ki te kaupapa.

<i>whaitake</i>	Ka āta whakaarohia, ka tūhonoa atu ki te kaupapa kia kitea ai tōna take.
<i>whai tikanga</i>	Ka āta wānangahia, ka kōtuituia kia kitea ai tōna tikanga.

4 Arā ngā Tikanga Aromatawai mō tēnei paerewa paetae, kei: <https://ncea.education.govt.nz>.

5 Kuputaka

āhuatanga	<i>aspect, characteristic</i>
ariā	<i>concept, theme, idea</i>
tukanga	<i>process</i>
huānga	<i>element</i>
pūkenga	<i>skill</i>
nuka toi	<i>Māori arts feature</i>
mahinga toi	<i>original art work</i>
hāngai	<i>appropriate, connected to</i>
whaitake	<i>relevant, valid</i>
whai tikanga	<i>meaningful, purposeful</i>
kohikohinga	<i>series</i>
tauirā hukihuki	<i>draft, series of drafts</i>
tāruatanga	<i>cover, rendition</i>

Kōrero Whakakapinga

I whakakapingia ngā paerewa 91690-91697 e ngā paerewa 92060, 92062-92064.

Tātari Kouna

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

Tautuhinga Aromatawai Ā-Waho 2024

Te Paerewa Paetae

92064

Te Ingoa

Te whakamahi i ngā āhuatanga toi rēhia kia puta ai he mahinga toi.

Te Marautanga

Te Marautanga o Aotearoa

Te Wahanga Akoā

Ngā Toi - Ngā Mahi a Te Rēhia

Ngā Whiwhinga

E 4

Te Tukanga Aromatawai

He Kete Manarua

Te Rā Tuku Aromatawai

30 o Oketopa 2024

Kete Manarua

Ko te KETE i pū mai i te pā harakeke, he whakapapa tōna. He MANA tōna, e RUA ōna āhuatanga: tuatahi, ko ngā taonga tuku iho ka kohikohia e te Ākonga; ka rua, he whakapiki i te mana motuhake o te Ākonga, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

Te Whakatakotoranga Aromatawai

Ka aromatawaingia tētahi kōpaki toi rēhia nā te Ākonga anō i waihanga. He mahinga toi motuhake, he whakaaturanga motuhake rānei.

Kāore he take o te rātaka, engari me tuku paku kōrero whakamārama te Ākonga mō te mahi.

Ko te take mō te kōrero whakamārama, he tautoko noa i te kaupapa o te mahi, ehara i te mea ka aromatawaingia āna kōrero whakamārama, ka aromatawaingia kētia tāna whakamahi, tāna whakahāngai i ngā āhuatanga toi rēhia i roto i te mahinga motuhake.

Ko ētahi tauira o te mahinga toi motuhake:

- he whakaari
- he titonga nekehanga
- he kanikani
- he whakaaturanga
- he tū ā-kapa haka.

He kōrero whakamārama:

- Kia 1-3 meneti te roa o te whakaaturanga, ā, tāpirihia mai hoki te tauākī whakamārama.
- Kia 100-150 ngā kupu o te kōrero whakamārama ā-tuhi, kia 1-2 meneti rānei te roa o te kōrero ā-waha. Me tautohu te kaupapa/horopaki o te mahi me ngā āhuatanga toi rēhia kua whakamahia, kua whāia rānei.

Ka whakaatu ā-matihikotia nei i runga i ngā pepa rauata e toru.

1. Kei te pepa rauata tuatahi te tau Ākonga ā-motu a te Ākonga.
2. Kei te pepa rauata tuarua, ko te whakaaturanga toi rēhia ā-kiriata.
3. Kei te pepa tuatoru tētahi tauākī whakamārama ā-reo arataki, ā-tuhinga rāpopoto rānei.

E taea ana te whakaaturanga te whakaatu ā-takitahi, ā-takirua, ā-rōpū rānei, hei taura:

- he whakaaturanga ā-takitahi (he kanikani, he whaikī tōtahi, he rotarota, he whakaari).
- he whakaaturanga ā-rōpū (he tū ā-kapa haka, he whakaari, he kanikani, he mahi whakapiki wairua, he haka tapere).

Ki te tukuna e te Ākonga te kiriata ā-rōpū, me tautohu ko wai ia i te kiriata.

Ngā Herenga Aromatawai

He mahi takitahi tēnei mahi nā te Ākonga; me te whakatakoto taunakitanga mō te aromatawai ā-waho. He Kete Manarua ā-matihiko anake.

Kia tutuki pai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, huripoki rānei);
- me tāmāua te kiriata ki te tītohunga ataata, ā, kua rāhuitia te tukuhanga noa i te honongaitua me tana kōtahi.

Te Motuhēhē o ngā mahi o ngā Ākonga

Me pēhea e mōhiotia ai te motuhēhē o ngā mahi o ngā Ākonga? He tukanga, he taunakitanga e mōhiotia ai nā te Ākonga ake āna mahi aromatawai. Kia mataara ngā Ākonga, ngā Kaiako me te whānau o te kura hoki ki te motuhēhē o ngā mahi a ngā Ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā Ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;
 - » Ngā pukapuka kāore i whakaputa;
 - » Wāhitau ipurangi.

He kōrero anō i ngā wāhitau ipurangi o te paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

Kāore te Kete Manarua matihiko e whakahokia ki te Ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina ki te tuku atu i ngā tāpaenga Kete Manarua:

- Īmēra mai ki assessment.service.centre@nzqa.govt.nz,
- waea rānei i te NZQA Contact Centre mā te nama 0800 687 296.

Tūmahi Aromatawai



Ngā Kaiwero ki Eden Park, Tāmaki Makaurau. Pikitia nā: Eden Park.

Manahua Te Tapu

Manahua te tapu o Nukutawhiti

Manahua te tapu o Hoturoa

Manahua te tapu o Tamatekapua

Manahua te tapu o Toroa

Manahua te tapu o Pāoa rāua ko Kiwa

Manahua te tapu o Tamatea-Ariki-Nui

Manahua te tapu o Whātonga

Manahua te tapu o Turi

Manahua te tapu o Manaia

Manahua te tapu o Māui

Ka waiho i konei ngā kōrero tuku iho mō te terenga mai i Hawaiiki ki Aotearoa hei kaupapa mō tēnei mahinga toi rēhia.

Ka whakatakoto te Ākonga i tētahi mahinga toi rēhia ā-whakaaturanga nei. Ka **1-3 miniti te roa** o te whakaaturanga, ā, me noho mai hoki he paku tauākī e whakamārama ana i tana kaupapa hei aromatawai i te paerewa nei.

E taea ana e ngā Ākonga te mahi takitahi, te mahi ā-rōpū rānei ki te rangahau kōrero me te whakarite mahi, engari me mātua takitahi te whakatakoto taunakitanga mō te aromatawai ā-waho.

Tūmahi 1

I konei tutuki ai te Ākongā i te whakaputa i tētahi mahinga toi rēhia mā te whakatinana i ngā āhuatanga toi rēhia.

- He wānanga he aha te momo mahinga toi ka whaia.
- He kōwhiri i tētahi āhuatanga o ia toi rēhia hei whakaatu, hei whakatinana i te whakaaturanga toi rēhia 1 -3 mēneti te roa.
- He whakarite i te ara e tutuki ai ngā āhuatanga toi rēhia i te mahinga toi.
- He whakatinana i ngā āhuatanga toi rēhia mā te mahinga toi

He kupu whakamaumahara: Me hāngai te mahinga toi rēhia ki te kaupapa/te horopaki.

Ngā Momo Mahinga Toi

E taea ana te mahinga toi rēhia te whakaatu ā-takitahi, ā-takirua, ā-rōpū rānei, hei tauira:

- he whakaaturanga ā-takitahi (he kanikani, he whaikī tōtahi, he rotarota, he whakaari, he matataki rānei)
- he whakaaturanga ā-rōpū (he tū ā-kapa haka, he whakaari, he kanikani, he mahi whakapiki wairua, he haka tapere).

Me whai rautaki tautohu ai te Ākongā kō wai ia ki te whakaaturanga ki te tū ā-rōpū. (He rārangi, he ira, he aha atu rānei).

Ngā āhuatanga toi rēhia

Ngā āhuatanga katoa e hāngai ana ki te mahi waihanga toi rēhia, arā:

- ngā ariā toi rēhia pēnei me te kōrero pūrākau, te whakapapa, te aronga ā-iwi,
- ngā tukanga toi rēhia pēnei me te rangahau, te whakarite, te whakamahere,
- ngā huānga toi rēhia pēnei me te nekehanga, te mokowā, te oro,
- ngā pūkenga toi rēhia pēnei me te arohaehae, te arotake, te manawanui,
- ngā nuka toi rēhia pēnei me te kura huna, te ngangahu, te poi, te wiri.

Ehara i te mea, me mahi te katoa; ko te tikanga ia, kia kōwhiria ngā āhuatanga e hāngai ana ki te horopaki.

Tūmahi 2

Ko te tauākī whakamārama, he kohinga kōrero o ngā mahi me ngā rauemi kua kohia, kua raupapahia e te Ākonga hei tautoko i te ahunga mai o te mahinga toi rēhia i roto i te tau. Ka whakaatu te Ākonga i ōna māramatanga ki ngā tikanga matua o ngā āhuatanga toi rēhia e hāngai nei ki te mahinga toi rēhia. Heoi anō tā te Ākonga he tuku mai i tāna tauākī whakamārama ā-tuhinga rāpopoto, ā-reo arataki rānei. Me tīpako e te Ākonga tētahi o ia āhuatanga toi rēhia, arā, he pūkenga, he tukanga, he huānga, he ariā anō hoki.

He tauākī whakamārama ā-tuhinga rāpopoto:

Tautohua ngā āhuatanga toi rēhia i tīpakohia e koe.	
Te pukenga	
Te tukanga	
Te Huānga	
Te ariā	
Mahinga toi rēhia	

Whakamārama ā-tuhinga rāpopoto, he aha ngā āhuatanga toi rēhia i kōwhiria mē te take i kōwhiria. Kia neke atu i te 100 kupu te roa.

He tauākī whakamārama ā-reo arataki:

Tautohua ngā āhuatanga toi rēhia i tīpakohia e koe.	
Te pukenga	
Te tukanga	
Te Huānga	
Te ariā	
Mahinga toi rēhia	

Whakamārama ā-reo arataki, he aha ngā āhuatanga toi rēhia i kōwhiria mē te take i kōwhiria. Kia neke atu i te 3 miniti te roa.

MĀTĀPUNA:

Ngā Kaiweroki Eden Park, Tāmaki Makaurau -

Elmhirst, Lynn. *Learn to haka on the All Blacks' rugby team's home ground*. Jubilee Travel. <https://www.jubileeonline.ca/blog/learn-to-haka-on-the-all-blacks-rugby-teams-home-ground>.

Mahere Aromatawai: Ngā Mahi a Te Rēhia 92064

1.4 Te whakamahi i ngā āhuatanga toi rēhia kia puta ai he mahinga toi.

Kairangi	Kaiaka	Paetae
Ka whakamahi i ngā āhuatanga toi rēhia e whai tikanga ana kia puta ai he mahinga toi.	Ka whakamahi i ngā āhuatanga toi rēhia e whaitake ana kia puta ai he mahinga toi.	Ka whakamahi i ngā āhuatanga toi rēhia kia puta ai he mahinga toi.

Hei Taunaki i te Aromatawai:

E8	E7	M6	M5	A4	A3	N2	N1
<p>Kua whai wāhi mai anō hoki ōna ake whakaaro me ngā kare ā-roto i tana rangahau i ngā āhuatanga toi rēhia.</p> <p>Kua mārama te tautohutia o ngā āhuatanga toi rēhia, kua mārama hoki tana whakaraupapa mai i ōna whakaaro, ā, kua matapakihia ēnei kia tika ai te whakaatu atu i tana mārama ki ngā āhuatanga toi rēhia kia whai hononga, kia whai aronga, kia whaihua anō hoki i roto i te horopaki o te mahi.</p> <p>Kua whakamāramahia, ā, kua whakatauritehia te āhua o ngā āhuatanga toi rēhia.</p>	<p>Kua auaha te whakatakoto i ngā whakaaro, kua mārama hoki te kite i te hononga o ngā āhuatanga toi rēhia ki te horopaki.</p> <p>Kua whai hononga, kua whai aronga, ā, kei te āhua kite i te whaihua o ngā āhuatanga toi rēhia kua tautohua i roto i te horopaki o te mahi.</p> <p>Kua rangahaua e te Ākongā te tikanga o ngā āhuatanga toi rēhia i tautohua e ia. Ko tana tuhinga e whakaatu ana i tana tirohanga whānui ki te aromatawai.</p>	<p>Kua whānui te whakaputa whakaaro ki ngā āhuatanga toi rēhia kua tautohua. E kaha kitea ana te whai hononga me te whai aronga anō hoki i te horopaki o te mahi.</p> <p>Kua āta tautohua ngā āhuatanga toi rēhia e pai ai te whakaatu māramatanga.</p>	<p>Kua mārama te kite kua whai hononga ngā āhuatanga toi rēhia i ki te horopaki o te mahi.</p> <p>Kua whai aronga anō hoki i roto i te horopaki o ngā mahi.</p>	<p>Kua tautohu he āhuatanga toi rēhia, ā, kua whakamāramahia.</p> <p>Kua whai hononga te āhuatanga toi rēhia ki te horopaki o te mahi.</p>	<p>Kua whakamahere mai i ētehi whakaaro i roto i tētahi tuhinga poto, ā, kua tautohua he āhuatanga toi rēhia.</p> <p>Kua tautohua he āhuatanga toi rēhia, ā, i āhua whai hononga ki te horopaki o te mahi.</p>	<p>Kei reira tētahi whakaaro e hāngai ana ki ngā mahi, heoi, me whai tohutohu kia hua mai ai he mahinga toi.</p> <p>He taunakitanga kotahi.</p>	<p>Kāore he āhuatanga toi rēhia hāngai ki te horopaki.</p> <p>Kāore he paku taunaki e tohu ana i ngā hiahia o te paerewa.</p>

Te Taunakitanga:

Taunakitanga Kairangi	Taunakitanga Kaiaka	Taunakitanga Paetae	Taunakitanga Kore
<p>Ka kōwhiri, ka whai, ka raweke i ngā āhuatanga toi rēhia e hāngai ana ki te horopaki o te mahi, e whai hononga, e whai aronga, e whaihua ai i roto i te horopaki o te mahi.</p> <p>Kua mārama mārika ki te pūtake me te whakamahi o ngā āhuatanga toi rēhia, tae atu ki tōna hononga ki te horopaki o te mahi.</p> <p>He tau te whakaputa whakaaro ki ngā āhuatanga toi rēhia me te whakahāngai ki te ao whānui, arā:</p> <ul style="list-style-type: none"> • kua whakaahua i ngā hononga ki tō te Ākongā iwi/rohe/taiao. • kua whakaahua i ngā hononga ki te tikanga/iwi/whenua. <p>Kua tautohua, kua whakamāramahia, kua whakaritea hoki te huānga toi rēhia i roto i te horopaki. Kua whai wāhi mai anō hoki ōna ake whakaaro me ngā kare ā-roto i tana rangahau.</p> <p>Kua whakarite whakaaturanga hāngai ki te horopaki, ā, kāore i hipa i te toru miniti te roa.</p> <p>Kua mārama te tautohu i ngā āhuatanga toi rēhia, kua matapakihia ngā āhuatanga toi rēhia e tika ana hei whakamāori atu i tōna whakaaturanga.</p> <p>Me uaua ka kitea he hapa wetereo, kārawarawa, whakahua, ā, e mārakerake ana te kite i ngā whakaaro, i ana whakatauiratanga anō. E hāngai pū ana ngā kōrero ki te horopaki o tēnei aromatawai, o tēnei kaupapa hoki o Ngā Mahi a Te Rēhia.</p>	<p>Ka kōwhiri, ka whai, ka raweke i ngā āhuatanga toi rēhia e hāngai ana ki te horopaki o te mahi, e whai hononga, e whai aronga ai i roto i te horopaki o te mahi.</p> <p>He māmā te kite me te rongoro atu kua āta whai whakaaro te Ākongā ki ngā āhuatanga toi rēhia, kia whānui ake ai tāna whakamahi i ēnā kia hāngai pū, kia whaitake ki te horopaki o te mahi.</p> <p>Kua whānui te whakaputa whakaaro ki ngā āhuatanga toi rēhia me tōna whai hononga, whai aronga anō hoki ki te horopaki.</p> <p>Kua whakarite whakaaturanga e hāngai ki te horopaki ā, kāore i hipa i te toru miniti te roa.</p> <p>Kua tautohua, kua rangahaua te tikanga o te huānga toi rēhia i kōwhirihia e te Ākongā.</p> <p>E mārama ana tā te tauira whakatakoto i ōna whakaaro, e hāngai ana hoki te momo reo me ngā kōrero ki te horopaki o tēnei aromatawai mō Ngā Mahi a Te Rēhia.</p> <p>Tērā tonu ētahi hapa wetereo, kārawarawa, whakahua anō hoki, heoi, he ruarua.</p>	<p>Ka kōwhiri, ka whai, ka raweke i ngā āhuatanga toi rēhia e hāngai ana ki te horopaki o te mahi, e whai hononga ai ki te horopaki o te mahi.</p> <p>Kua tautohu, kua whakaatu māramatanga anō ki ngā āhuatanga toi rēhia e hāngai ana.</p> <p>Kua rangahaua te tikanga o ngā āhuatanga toi rēhia i kōwhirihia e te Ākongā.</p> <p>Ahakoā te nui o ngā hapa wetereo, e mārama tonu ana te ia o ngā whakaaro. Ahakoā ngā hapa pēnei me ngā kārawarawa, me te whakahua, me te whakarere tika i tēnā kōrero ki tēnā kōrero, e kitea tonutia ana te ngako o ngā kōrero me te hāngai mai ki te horopaki o tēnei aromatawai mō Ngā Mahi a Te Rēhia.</p>	<p>Kāore i whai, kāore i whakamahi i ngā āhutanga toi rēhia</p>

Te Whakataunga:

Kairanga	Kaiaka	Paetae	Kāore i whiwhi
7 - 8	5 - 6	3 - 4	0 - 2

Kupu Taka

Kete Manarua	Kohinga taunakitanga nā te Ākonga.
Pae pāhopori	Ngā pae matihiko o ngā whatunga papori pēnei i a Paeāhua, TikTok rānei.
Pātai matawhawhati	Ngā pātai kua rere māori noa, kāore he whakamōhio tōmua.
Pukauhi taunakitanga	He whārangi whakarārangi me te whakatūturu i ngā taunakitanga.
Tāpaetanga	Te tuku i ngā mahi.